



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

„თბილისი“

„თბილისი“, ვაჟთა ვოკალური ანსამბლი. თავდაპირველად საქართველოს სიმღერისა და - ცეკვის სახელმწ. ანსამბლის შემადგენელი ნაწილი იყო. 1983-იდან ანსამბლს დაერქვა „თბილისი“, 1990-იდან კი ჩამოყალიბდა დამოუკიდებელ შემოქმედებით კოლექტივად. დაარსების დღიდან მისი უცვლელი ხელმძღვანელია საქართვე. ხელოვნ. დამს. მოღვაწე რ. გოგოლაშვილი. ანსამბლის რეპერტუარში ძირითადად ქართ. ხალხ. სიმღერები, ქართ. საგალობლები და ქართვ. კომპოზიტორთა ნაწარმოებებია. ანსამბლი „თ.“ ძალზე ნაყოფიერ შემოქმედებით მოღვაწეობას ეწევა. არსებობის განმავლობაში მას 5000-ზე მეტი კონცერტი აქვს ჩატარებული, აქედან 3000-ზე მეტი – ჩვენი ქვეყნის ფარგლებს გარეთ. ანსამბლმა დიდი წარმატებით მოიარა მსოფლიოს მრავალი ქვეყანა.

სხვადასხვა დროს ანსამბლში მღეროდნენ: ა. ყურაშვილი, ბ. სორდიძე, გ. დოლიძე, ბ. გუგავა, ნ. გამგებელი, გ. ასათიანი, მ. თალაკვაძე, და სხვ. 2000-იდან ანსამბლის შემადგენლობა ასე ჩამოყალიბდა: რ. გუნიავა, რ. ხუციშვილი, თ. ნულაური, ზ. მამალაძე, ნ. აფხაიძე, ვ. დოლიძე, ი. სორდია, თ. ლომიძე, კ. ბერიშვილი, ზ. შალამბერიძე. 2003–12 წლებში ანსამბლს გარკვეული მიზეზების გამო საქართველოში არც ერთი კონცერტი არ ჩატარებია, თუმცა ქვეყნის გარეთ (პოლანდია, ესტონეთი, შვედეთი, უკრაინა, რუსეთი, საფრანგეთი) წარმატებით გამართა 1000-მდე კონცერტი. დღეისათვის (2015) ანსამბლის შემადგენლობაში არიან რ. გოგოლაშვილი (ხელმძღვ.), ზ. მამალაძე, რ. გუნავა, რ. ხუციშვილი, გ. გოგიტიძე, კ. ასლანიშვილი, თ. მამალაძე. ანსამბლს გამოშვებული აქვს ფირფიტა „გიგანტი“, აუდიოკასეტა და 3 კომპაქტდისკი. „თ.“ დაჯილდოებულია ღირსების ორდენით.

ნ. გელოვანი
